

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Feria IV.

[urn:nbn:de:hbz:466:1-50863](#)

XI. Vigeat *Continentia*, quæ passio-
num impetus intra legitimos limites
ontineat.

XII. Denique floreat *Castitas*, quæ
corpus & animam meam angelicâ puni-
tate sanctificet.

Ad extremum, O Jesu Arbor vita nobilissima, per gratiam hujus Sacramenti fructiferi clementer indulge, ut fructi omnes, quos in me producere dignab-
ris, sani sint, recentes, diuturni ac copio-
quibus salus renovatio, ac reformatio spi-
ritus mei constanter ad finem usquevix
conservetur & augeatur. Amen.

FERIA IV.

*Orationes pro obtainendis virtutibus
veluti dispositionibus ad gratias
gratis datas.*

I.

Dominе Jesu Christe, potens opere &
sermone; tu posuisti olim in Ecclesi-
tua primū quidem Apostolos, secundo
Prophetas, tertio Doctores, deinde Virtu-
tes & gratias curationum, cæterasque
dividens singulis pro beneplacito: nun-
quid hodie dum manus tua abbreviata est?

aut non indiget Ecclesia tua , jam satis ra-
dicata , irrigatione hac ? Ecce Domine ,
Regna integra & Provinciæ millionibus
infidelium & Hæreticorum scatent . Se-
lige , obsecro , & mitte viros Apostolicos
adgentes hasce convulsas & dilaceratas
ne in opprobrium tuum Infernus anima-
bus damnatis ultrà oppleatur . O si in-
dignus ego inter præcones istos , & glo-
riæ tuæ instrumenta recenseri merear ! E-
vehe me quæso cum aliis plurimis ad tam
præcellentem virtutem & humilitatem ut
dignus efficiar cui animarum zelum , &
gratias nonnullas gratis datas ad conver-
sionem fidelium & infidelium , absque
damno meo communices .

I I.

NEverò , Salvator mi , horum donorum
præcellentia , occasionem vanitatis &
ruinæ præbeat , mitte Spiritum Sanctum
tuum de cœlis , qui in omnibus nos di-
rigat ; & totum hoc ædificium , ut sapi-
ens Architectus super firmam Petram
non more Diaboli super arenam mobi-
lem funderet . Solidet inquam illud in per-
fecta tui imitatione & omnium vanita-

N 6

tum

tum ac visibilium contemptu. O divine
Spiritus, jamjam ad me in Sacramento
cum Patre & Filio venture; pone te prius
ut signaculum super cor meum, cœlestes
ei virtutes imprimens, ac postea etiam
ut signaculum super brachium, ad opera
heroica fortitudinem tribuens. Absconde
prius ignem divini Amoris in sinu meo
per efficaciam sanctissimi Sacramenti; ut
post inde prodeat ac vestimenta ardeant
& luceant. Ne velut statua Nabuchodo-
nosoris, luteis pedibus, tentatione irru-
ente, corruam & comminuar.

III.

O Ignis qui semper ardes & nuncquam
extingueris! activâ Eucharistiae virtu-
te consume in me vitiorum scoriam, ut lo-
ceam clarius & luculentius ardeam. Im-
pelle me prius ad peragendum cum exi-
mia perfectione & fervore ordinaria; ac
postmodum, si ad gloriam tuam condu-
xerit, eleva me ad singularia, tam quoad
interiora orationis & contemplationis do-
na, quam ad externa vitae activæ opera: ut
hic ratione gratiæ tuæ efficaciam, sapien-
tiæ sublimitatē, & omnipotentiæ magni-
tudinem in me demonstres.

IV.

I V.

O Divine Spiritus! qui primis Christis
anis tam sublimem vitæ perfectio-
nem inspirasti, eosdemque ad illam asse-
quendam adjuvisti; præcelsas hasce Chri-
stiano & vel maximè Sacerdote digna-
Virtutes cordi meo insere. Communica
mihi fidem adeò certam, ut Mysteria di-
vina tam firmiter credam, ac si oculis
cernerem. Largire spem adeò securam,
ut promissa divina ita sperem, ac si illa
jam possiderem. Tribue mihi fiduciam
adeò firmam in oratione, ut quod aliàs
est ex mera gratia tam constanter ac fir-
miter petam, atque si esset debitum ex
justicia. Concede Obedientiam adeò
promptam in rebus arduis ac difficilli-
mis, atque si facillimæ essent & jucundæ.
Præbe pœnitentiam adeò invictam, ut
magno animo labores quouscunque tole-
rem, aliàs intolerabiles. Imprime cordi
meo effusam misericordiam, succende
animatum zelum infatigabilem & chari-
tatem amore tui omnia sustinentem, eti-
am tormenta & martyrium.

N 7

FERIA